

律
疏
補
書

律集前書

通占大象曆星經卷上

原缺文一張

四輔



四輔四星抱北極樞星主君臣禮儀主政萬機輔
弼佐理萬邦之象輔佐北辰而出入授政也

六甲



六甲六星在華蓋之下扛星之旁主分陰陽而配於節候出入故在帝座旁所布政教而授農時也

鉤陳



鉤陳六星在五帝下爲後宮大帝正妃又主天子六軍將軍又主三公若星暗人主凶惡之象矣

天皇


天皇帝一星在鉤陳中央也不記數皆是一星

在五帝前坐萬神輔錄圖也其神曰耀魄寶主御羣靈也

柱下 •

柱下史在北辰東主左右史記過事也

尚書




五尚書在東南維主納言夙夜諮謀事也

內廚 • •


內廚二星在西北角主六宮飲食后妃第宴飲廚府也

天床



天床六星在宮門外聽政之前亦主寢宴會讌息床星傾天子不安失位也訣曰火入紫微宮中天下大亂帝王失位

北斗




北斗星謂之七政天之諸侯亦謂帝車魁四星爲璇璣杓三星爲玉衡齊七政斗爲人君號令之主出號施令布政天中臨制四方第一名天樞爲土星主陽德亦曰政星也是太子像星暗亦經七日則大災第二名璇主金刑陰女主之位主月及法若星暗經六日則月蝕第三名璣主木及禍亦名金星若天子不愛百姓則暗也第四名權主火爲伐爲天理伐也無道天子施令不依四時則暗第

五名衡主水爲煞助四時旁煞有罪天子樂淫則
暗第六名闔陽主木及天下倉庫五穀第七名瑤
光主金亦爲應星訣曰王有德至天則斗齊明國
昌總暗則國有災起也右斗中子星少則人多姪
亂法令不行木星守貴人繁天下亂也火星守兵
起人主災人不聊生棄宅走奔諸邑守斗西大飢
人相食守斗南五果不成五星 斗中國易政又
易主大亂也彗孛入斗中天下改主有大戮先舉

兵者咎後舉兵者昌其國主大災甚於彗之禍右
旁守之咎重細審之所守樞入張一度去北辰十
八度也衡去極十五度去辰十一度


華蓋



華蓋十六星星在五帝座上正吉帝道昌星傾邪
大凶扛九星爲華蓋之柄也上七星爲庶子之官


若星明主匡天下不明主亂期八年國無主也

五帝座



五帝內座在華蓋下覆帝座也五帝同座也上色
政吉色變爲災凶也


御女



御女四星在鉤陳北主天子八十一御女妃也后

之官明吉暗凶也

天柱



天柱五星在紫微宮內近東垣主建教等二十四
氣也

女史

•

女史一星在天柱下史北掌記禁中傳漏動靜主
時要事也

星經
陰德 一

陰德二星以太陰在尚書西主天下綱紀陰德遺
周給惠賑財之事

大理 一

大理二星在宮門內主刑獄事也自北極已下五
十星並在紫微宮內外占曰彗孛入中宮有異姓
王火星入守北極臣下煞君木星入守北極國有
大衰若分守久有逆臣反亂土星犯乘之大人當


之太子有罪五星聚在中宮改立帝王五星及客犯守鉤陳者大臣凶所守犯之座皆受其殃咎也

輔星

輔星像親近大臣輔佐興而相明若明大如斗者則相奪政兵起若暗小則死免官若近斗一二寸爲臣迫脅主若五六寸四遠客及彗孛入斗中諸侯爭權逼天子月暈斗大水入城兵起主有赦北斗第六七指角第四五六指南第一二指觜二十

有九星

內階



內階六星在文昌北階爲明堂頭

文昌



文昌七星如半月形在北斗魁前天府主營計天下事其六星各有名六司法大璫色黃光潤則天

下安萬物成青黑及細微多所殘害搖動移處三公被誅不然皇后崩文昌與三公攝提軒轅共爲一體通占木土星守之天下安火星守國亂兵起金星守兵大起若彗孛流星入之大將返叛亂也

三公



三公三星在斗杓東和陰陽齊七政以教天下人一星亡天下危二星亡天下亂三星亡天下不治也

天棓



天棓五星不用明明則天下兵起斧鉞用槍棓八
星皆非常也入氐一度去北辰二十八度

天槍




天槍三星在北斗柄東主天鋒武備在紫微宮石
以御也

傳舍



傳舍九星在華蓋奚仲北近天河主賓客之館客
星守之兵起令四方館也

天廚



天廚六星在紫微宮東北維近傳舍北百官廚今
光祿廚像之星亡君子賣衣民人賣妻子大饑客
守之大饑荒

天一